

Sra. Paula Ecury lo cumpli 50 año como miembro di Biblioteca



Dia 20 di augustus di e aña aki Biblioteca Nacional di Aruba ta bay cumpli 50 año di existencia. Hunto cu Biblioteca, Sra. Paula Ecury lo cumpli 50 año como miembro fiel y constante di Biblioteca Nacional. Tempo cu el a bira miembro e tabata apenas un hobencita.

Durante un entrevista cu DIARIO sra. Ecury a relata: "e tempo cu Biblioteca Nacional a habri su porta na Aruba, e tabata situa na parti patras di edificio unda Corte di Husticia ta awendia.

Mi mes tabata biba na Kerkstraat e tempo ey, cu na otro banda di caminda, y mi a mira e dia cu nan a habri e porta di Biblioteca. Mi a bay eyden pasobra mi ta gusta lesa buki masha hopi. E biblioteca tabata chiquito y tabata dirigi pa un señora cu mi no por corda su nomber. Di eynan biblioteca a muda pa Lagoenweg na un edificio un tiki mas grandi, y despues a bolbe muda pa Wilhelminastraat unda awor tin Raad van Advies, y pa ultimo nan a traha e edificio aki na Madurostraat, na september di 1982".

E tempo ey e miembro tabata haya dos buki pa dos siman, y semper el a haya loke e ta yama "bon buki" di cual e lector por siña algo di dje, na biblioteca.

ria di Aruba y su desaroyo economico.

Actualmente e ta lesando bukinan di e tipo aki relaciona cu paisnan Latino cu e ta considera "henter un otro mundo". E buki cu e ta

lesando e dianan aki ta trata di e desaroyo di Mexico, y e ta haye fantastico.

Sra. Ecury ta miembro boluntario di entre otro, ta yuda na Biblioteca di Hospital. E ta pasa na e diferente afdel-

ingnan puntra e pacientnan si nan kier lesa buki of revista.

Tambe e ta boluntario di FAVI ya pa 25 año largo, y ademas e ta Tesorero di Wilhelmina Kanker Fonds.

Sra. Ecury ta gusta lesa tur sorto di buki, menos novela di contenido trivial.

"For di tempo cu mi a pidi mi prome buki na Biblioteca te aworaki mi a mira un desaroyo hopi positivo. Biblioteca tin tur sorto di buki masha bon mes. Mi a cana cu e crecemento aki di biblioteca", Sra. Ecury a señala.

Biblioteca Nacional di Aruba for di principio a usa un sistema mas moderno cu esun cu Sra. Ecury a conoce na Hulanda e tempo ey.

"Mi ta corda cu na Hulanda bo tabata bay busca un buki bo mester a bisa e nomber di e buki y nan mes tabata bay busque pa bo. Na Aruba bo mes ta bay den reki busca bo buki", Sra. Ecury a indica, acentuando cu e servicio na Biblioteca Nacional semper tabata y te awor ta excelente.

"Algo cu mi kier menciona ta cu ora cu mi ta bin cambia buki mi ta ripara cu tin mas Hulandes cu Arubiano ta miembro di Biblioteca, loke mi ta haya jammer". Sra. Ecury a acentua.

Sra. Ecury ta haya e literatura cu tin na Papiamentu masha interesante y na su opinion, lo ta bon si mas hende local ta skirbi mas buki, specialmente di histo-